

欠官项紧要练饷钱又已届限，必须设法完缴。

来示谓当力矢廉隅，决不敢因境所迫，自贬品节。必须如此，乃可稳定脚跟。望勉副厚期为幸！率泐复颂台祺不具。期鸿章顿首。十月廿四日。

（〔李鸿章亲笔注信尾：〕〔法〕领事面称代向法兰西银行借银十万，息六厘，可靠与否？既借洋债，以速还官款清累为要。商局办漕余利是否归，何以并未册报耶？）

74 唐廷枢等致盛康函

光绪八年九月二十四日(1882.11.4) 上海

旭人老伯大人阁下：

昨奉台缄，如亲崇训。祇谕勋祺茂介，景祉蕃臻，允符忭臆。侄等趋公冗俗，乏善可陈。幸局务顺平，帐清揭楚，其利益与上届无殊，借以仰纾爱注耳。

承示明年新旧举人进京会试，抚宪谕由局船运送赴津，饬为酌减水脚等因。查局船之水脚，前与洋商订议之后，本无参差。乃绎宪意，系为公车义举起见，自应酌量遵办。当议自沪赴津，每人往回收银十四两；若带一家人，收银二十两；倘单送至天津，不计回头者，每位八两；如带一家人，须加四两。似较定章便宜多矣。仰祈转赐稟明，再候宪示奉行可也。

至杨子潼农部所购之书，已承饬备齐全，俟到沪后再转寄耳。肃复，敬请台安，惟祈惠照不一。

愚侄制唐廷枢、徐润、张鸿禄^①、郑官应^②顿首。九月廿四日。

① 张鸿禄，字叔和，光绪七年二月由李鸿章札委帮办轮船招商局。

② 郑官应，字陶斋，广东香山人，英商宝顺洋行、太古轮船公司买办，光绪八年二月由李鸿章札委帮办轮船招商局。